

Sarajevo, 21.07.2026.godine

Broj: I-152/26

Federalno ministarstvo obrazovanja i nauke

n/r gđe. Jasne Duraković, ministrice

Predmet: Inicijativa za ubrzanje postupaka priznavanja inostranih stručnih kvalifikacija u svrhu zapošljavanja stranih radnika

Poštovana gospodo Ministrice,

Udruženje poslodavaca u Federaciji Bosne i Hercegovine u posljednje vrijeme suočava se sa povećanim zahtjevima privrednih subjekata-članica Udruženja u vezi sa produženim trajanjem postupaka priznavanja inostranih stručnih kvalifikacija, odnosno nostrifikacije isprava o stručnoj osposobljenosti stranih radnika za rad u Bosni i Hercegovini.

Naime, u **posljednja dva mjeseca** Udruženju se obraća veći broj poslodavaca iz različitih djelatnosti u FBiH, koji ukazuju na to da postupci priznavanja stručnih kvalifikacija unutar procedure izdavanja radnih dozvola traju znatno duže nego ranije. Takva kašnjenja predstavljaju ozbiljan izazov za privredne subjekte koji su već proveli postupke odabira radnika i ispunili ostale zakonom propisane uslove za njihovo zapošljavanje.

S obzirom na to da je priznanje stručne osposobljenosti u velikom broju slučajeva neophodan uslov za izdavanje radne dozvole, produženo trajanje ovog postupka direktno usporava kompletan proces zapošljavanja stranih radnika. Poslodavci zbog toga nisu u mogućnosti pravovremeno angažovati potrebnu radnu snagu, što dovodi do odgađanja realizacije ugovorenih poslova, otežanog poslovanja i značajnih finansijskih posljedica.

Svjesni smo značaja postupka priznavanja inostranih kvalifikacija i potrebe da se isti provodi u skladu sa važećim propisima i uz odgovarajuće provjere. Međutim, imajući u vidu da se problem izraženijih kašnjenja pojavio upravo u posljednja dva mjeseca, najljepše Vas molimo da razmotrite mogućnost poduzimanja odgovarajućih organizacionih i administrativnih mjera koje bi doprinijele bržem rješavanju zaprimljenih zahtjeva i smanjenju vremena čekanja.

Uvjereni smo da bi efikasnije provođenje ovih postupaka predstavljalo značajnu podršku privredi Federacije Bosne i Hercegovine, posebno u okolnostima izraženog nedostatka radne snage i povećane potrebe za angažovanjem kvalifikovanih stranih radnika.

Udruženje poslodavaca Federacije Bosne i Hercegovine stoji na raspolaganju i predlaže i organizaciju sastanka i zajedničko razmatranje mogućih rješenja koja bi doprinijela unapređenju efikasnosti ovih postupaka.

Vjerujemo da potencijalna rješenja idu u pravcu zapošljavanja novih radnika, preraspodjeli određenih aktivnosti unutar resora i službi, izmjene u odgovarajućim podzakonskim aktima i dr.

Zahvaljujemo na razumijevanju i nadamo se da ćete ovu inicijativu razmotriti sa posebnom pažnjom, te ujedno molimo da nas nadležne službe Vašeg ministarstva povratno obavijeste o aktivnostima po ovoj našoj molbi.

S poštovanjem,

DIREKTOR
Mario Nenadić

